



# SLUŽBENE NOVINE KANTONA SARAJEVO

Gedina XVI – Broj 5

Ponedjeljak, 28. februara 2011. godine  
SARAJEVO

ISSN 1512-7052

## KANTON SARAJEVO

### Vlada Kantona

Na osnovu čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), člana 19. stav 2. i 27. Zakona o visokom obrazovanju ("Službene novine Kantona Sarajevo", broj 22/10 - Prečišćeni tekst), Vlada Kantona Sarajevo, na Šestoj sjednici održanoj 24. februara 2011. godine, donijela je

### ODLUKU

#### O UTVRĐIVANJU IZNOSA NOVČANIH SREDSTAVA OSNIVAČA VISOKOŠKOLSKIH USTANOVA ZA POTREBE TROŠKOVA VOĐENJA POSTUPKA OSNIVANJA UNIVERZITETA, VISOKE ŠKOLE, FAKULTETA, AKADEMIJE, INSTITUTA, ODSJEKA I INSTITUTA KAO PODORGANIZACIONE JEDINICE

##### I.

Utvrđuju se novčani iznosi, koje su obavezni uplaćivati na Depozitni račun Budžeta Kantona Sarajevo - budžetska organizacija Ministarstva obrazovanja i nauke - vlastiti prihodi, osnivači visokoškolskih ustanova za potrebe troškova vođenja postupka osnivanja univerziteta, visoke škole, fakulteta, akademije, instituta, odsjeka i instituta kao podorganizacione jedinice za potrebe troškova vođenja postupka osnivanja u iznosima kako slijedi:

- za osnivanje univerziteta iznos od . . . . . 30.000,00 KM
- za osnivanje visoke škole iznos od . . . . . 20.000,00 KM
- za osnivanje fakulteta (po fakultetu) iznos od . . . . . 20.000,00 KM
- za osnivanje akademije (po akademiji) iznos od . . . . . 20.000,00 KM
- za osnivanje instituta iznos od . . . . . 20.000,00 KM
- za osnivanje odsjeka iznos od . . . . . 10.000,00 KM
- za osnivanje instituta kao podorganizacione jedinice iznos od . . . . . 5.000,00 KM
- za provjeru ispunjavanja uvjeta za provođenje novog studijskog programa. . . . . 5.000,00 KM

##### II.

Raspodjela uplaćenih novčanih sredstava na Depozitni račun Budžeta Kantona Sarajevo-budžetska organizacija Ministarstva obrazovanja i nauke - vlastiti prihodi, iz tačke I. ove Odluke vršit će se u skladu sa Uredbom o utvrđivanju vlastitih prihoda, načina i rokova raspodjele ("Službene novine Kantona Sarajevo", br. 24/08 i 23/09).

### III.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-3838-11/11  
24. februara 2011. godine  
Sarajevo

Premijer  
Fikret Mušić, s. r.

Na osnovu čl. 22. i 24. stav 3. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), člana 12. tačka 3. Zakona o ministarstvima, vladinim i drugim imenovanjima ("Službene novine Federacije BiH", broj 34/03), tačke III. Odluke o standardima i kriterijima za imenovanje na poziciju predsjednika i članova Upravnog odbora Fonda Kantona Sarajevo za zaštitu i održavanje grobalja Šehida i poginulih boraca, memorijalnih centara i spomen-obilježja žrtava genocida ("Službene novine Kantona Sarajevo", broj 27/04) i člana 6. Statuta Fonda Kantona Sarajevo za izgradnju i očuvanje grobalja Šehida i poginulih boraca, memorijalnih centara i spomen-obilježja žrtava genocida ("Službene novine Kantona Sarajevo", broj 7/05), Vlada Kantona Sarajevo, na Šestoj sjednici održanoj 24. februara 2011. godine, donijela je

### RJEŠENJE

#### O IMENOVANJU VRŠILACA DUŽNOSTI PREDSJEDNIKA I ČLANOVA UPRAVNOG ODBORA FONDA KANTONA SARAJEVO ZA ZAŠTITU I ODRŽAVANJE GROBALJA ŠEHIDA I POGINULIH BORACA, MEMORIJALNIH CENTARA I SPOMEN-OBILJEŽJA ŽRTAVA GENOCIDA

##### I.

Za vršioce dužnosti predsjednika i članova Upravnog odbora Fonda Kantona Sarajevo za izgradnju i očuvanje grobalja Šehida i poginulih boraca, memorijalnih centara i spomen-obilježja žrtava genocida, do okončanja procedure javnog oglasa, a najviše dva (2) mjeseca, imenuju se:

1. SEDA BEKTIĆ, predsjednica
2. ISMAIL SMAJLOVIĆ, član
3. ZUHDJA MAHMUTOVIĆ, član
4. JASMINA TANOVIC, član
5. AZRA ZEJNILAGIĆ, član

- DAN003 Udruženja od interesa i za boračku populaciju Kantona Sarajevo - programske aktivnosti iznos 20.000 KM
2. Ova odluka stupa na snagu danom donošenja, a objavit će se u "Službenim novinama Kantona Sarajevo"

Broj 08-01-14-24877/11

22. septembra 2011. godine  
Sarajevo

Ministar  
Muhamed Kozadra, s. r.

Na osnovu člana 17. stav 2. Zakona o izvršavanju Budžeta Kantona Sarajevo za 2011. godinu ("Službene novine Kantona Sarajevo", broj 8/11) po zahtjevu Fonda Kantona Sarajevo za izgradnju i očuvanje grobala šehida i poginulih boraca, memorijalnih centara i spomen obilježja žrtava genocida, ministar finansija donosi slijedeću

### ODLUKU

#### O PRERASPODJEI SREDSTAVA U BUDŽETU KANTONA SARAJEVO ZA 2011. GODINU ZA FOND KANTONA SARAJEVO ZA IZGRADNJU I OČUVANJE GROBALJA ŠEHIDA I POGINULIH BORACA, MEMORIJALNIH CENTARA I SPOMEN OBILJEŽJA ŽRTAVA GENOCIDA

1. Odobrava se preraspodjela sredstava u Budžetu Kantona Sarajevo za 2011. godinu u iznosu od 8.100 KM u razdjelu 13020001 - Fond Kantona Sarajevo za izgradnju i očuvanje grobala šehida i poginulih boraca, memorijalnih centara i spomen obilježja žrtava genocida - Fond memorijala i to:
- sa ekonomskog koda:  
613300 - Izdaci za komunalne usluge  
DBE 004 Izmirenje duga za komunalne usluge  
za objekat Dom veterana . . . . . iznos 8.100 KM  
na ekonomski kod:  
611200 - Naknade troškova zaposlenih  
611227 DBA 005 Naknade u slučaju smrti i teže  
invalidnosti . . . . . iznos 8.100 KM
2. Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-01-14-24913/11

26. septembra 2011. godine  
Sarajevo

Ministar  
Muhamed Kozadra, s. r.

Na osnovu člana 17. stav 2. Zakona o izvršavanju Budžeta Kantona Sarajevo za 2011. godinu ("Službene novine Kantona Sarajevo", broj 8/11) po zahtjevu Ministarstva obrazovanja i nauke, Kantona Sarajevo, ministar finansija donosi slijedeću

### ODLUKU

#### O PRERASPODJEI SREDSTAVA U BUDŽETU KANTONA SARAJEVO ZA 2011. GODINU ZA JU MINISTARSTVA OBRAZOVANJA I NAUKE

1. Odobrava se preraspodjela sredstava u Budžetu Kantona Sarajevo za 2011. godinu u ukupnom iznosu 7.717 KM u razdjelu 21010001 - Ministarstvo obrazovanja i nauke i to:
- sa ekonomskog koda:  
611100 - Bruto plaće i naknade . . . . . iznos 7.717 KM  
na ekonomski kod:  
611200 - Naknade troškova zaposlenih  
611225 LAA 004 Otpremnine zbog odlaska u  
penziju . . . . . iznos 7.717 KM
2. Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-01-14-24815/11

27. septembra 2011. godine  
Sarajevo

Ministar  
Muhamed Kozadra, s. r.

### Ministarstvo obrazovanja i nauke

Na osnovu člana 66. stav (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 9. Uredbe o utvrđivanju vlastitih prihoda, načina i rokova raspodjele ('Službene novine Kantona Sarajevo", broj 24/08 i 23/09), ministar obrazovanja i nauke Kantona Sarajevo donosi

### PRAVILNIK

#### O STICANJU I RASPODJEI VLASTITIH PRIHODA MINISTARSTVA OBRAZOVANJA I NAUKE KANTONA SARAJEVO

##### I. OPĆE ODREDBE

###### Član 1.

###### (Predmet Pravilnika)

Ovim Pravilnikom utvrđuju se vrste, način sticanja i raspodjele vlastitih prihoda koje ostvaruje Ministarstvo obrazovanja i nauke Kantona Sarajevo (u daljem tekstu: Ministarstvo).

###### Član 2.

###### (Vlastiti prihodi)

Vlastiti prihodi koje ostvari Ministarstvo su javni prihodi Budžeta Kantona Sarajevo, a raspoređuju se u skladu sa ovim Pravilnikom.

###### Član 3.

###### (Ostvarivanje vlastitih prihoda)

Pod vlastitim prihodima podrazumijevaju se prihodi koje Ministarstvo ostvari obavljanjem osnovne djelatnosti i ostalih poslova na tržištu.

###### Član 4.

###### (Uplata i evidentiranje)

Uplata i evidentiranje vlastitih prihoda vrši se u skladu sa čl. 4. i 5. Uredbe o utvrđivanju vlastitih prihoda, načina i rokova raspodjele ("Službene novine Kantona Sarajevo", broj 24/08 i 23/09).

##### II. STICANJE VLASTITIH PRIHODA

###### Član 5.

###### (Osnove za sticanje vlastitih prihoda)

Ministarstvo stiče vlastite prihode po osnovama:

- organizacije i realizacije stručnih ispita odgajatelja, nastavnika i stručnih saradnika u predškolskim ustanovama, osnovnim i srednjim školama;
- osposobljavanja kandidata za vozače motornih vozila (ispiti iz poznavanja propisa o bezbjednosti saobraćaja i ispit iz upravljanja motornim vozilom);
- organizacije i realizacije ispita za sticanje zvanja za vozača instruktora - motornih vozila;
- organizacije i realizacije ispita za sticanje licence za predavača teoretske nastave, ispitivača iz teoretskog dijela ispita i ispitivača iz upravljanja motornim vozilom;
- organizacije i realizacije predavanja i ispita za vozače motornih vozila koji su zbog saobraćajnih prekršaja upućeni na ista;
- zamjene instruktorske dozvole;
- utvrđivanja uslova za rad, verifikaciju i registraciju autoškola;
- provodenja postupka osnivanja ustanova u skladu sa važećim zakonom (predškolska ustanova, osnovna škola, srednja škola, akademija, fakultet, visoka škola, univerzitet, institut, odsjek i institut kao podorganizaciona jedinica);
- iznajmljivanja prostora, računarske i druge opreme;
- izdavanja duplikata uvjerenja o položenom stručnom ispit;

Broj 24 - Strana 8

- k) nostrifikacije i ekvivalentacije o završenom osnovnom i srednjem obrazovanju, odnosno završenim pojedinačnim razredima kao i o stručnoj sposobljenosti za određene poslove i zanimanja;
- l) ostalih izvora.

Član 6.  
(Visina naknada)

- (1) Visina naknade za polaganje stručnog ispita odgajatelja, nastavnika i stručnih saradnika u predškolskoj ustanovi, osnovnoj i srednjoj školi utvrđuje se u skladu sa Pravilnikom o polaganju stručnog ispita odgajatelja, nastavnika i stručnih saradnika i Odlukom o rokovima i cjenovniku za polaganje stručnog ispita.
- (2) Visina naknade za osposobljavanje za vozača motornih vozila, kao i naknade za predavanja za vozače koji su zbog saobraćajnih prekršaja upućeni na ista, utvrđuje se Pravilnikom o uslovima i visini naknade u vezi sa poslovima provođenja Pravilnika o osposobljavanju za vozača motornih vozila.
- (3) Visina naknade za sticanje zvanja za vozača - instruktora motornih vozila utvrđuje se Pravilnikom o uslovima i visini naknade u vezi sa poslovima provođenja Pravilnika o osposobljavanju za vozača motornih vozila.
- (4) Visina naknade za sticanje licence za predavača teoretske nastave, ispitivača iz teoretskog dijela ispita i ispitivača iz upravljanja motornim vozilom utvrđuje se Pravilnikom o uslovima i visini naknade u vezi sa poslovima provođenja Pravilnika za dobijanje licenci.
- (5) Visina naknade na ime troškova za utvrđivanje uslova za rad, verifikaciju i registraciju autoškola utvrđuje se Pravilnikom o uslovima i visini naknade u vezi sa poslovima provođenja Pravilnika o osposobljavanju za vozača motornih vozila.
- (6) Visina naknade za potrebe vodenja postupka osnivanja ustanove iz nadležnosti Ministarstva, od faze podnošenja zahtjeva do okončanja postupka po zahtjevu, utvrđuje se odlukama Vlade Kantona Sarajevo.
- (7) Visina naknade za nostrifikaciju i ekvivalentaciju o završenom osnovnom i srednjem obrazovanju, odnosno završenim pojedinačnim razredima kao i o stručnoj sposobljenosti za određene poslove i zanimanja kao i visina naknade koja se stiče iz ostalih izvora utvrđuje se posebnom odlukom ministra obrazovanja i nauke.

III. RASPOĐELA VLASTITIH PRIHODA

Član 7.  
(Način raspodjele prihoda)

- (1) Ostvareni vlastiti prihodi iz člana 6. ovog Pravilnika rasporeduju se na sljedeći način:
- a) najmanje 20% prihoda ostvarenih po osnovu člana 5., tačka a) i h) rasporeduju se za finansiranje/sufinansiranje troškova Ministarstva, a ostatak za naknade članovima komisija u skladu sa posebnim aktima iz člana 8. ovog Pravilnika.
- b) najmanje 40% prihoda ostvarenih po osnovu člana 5., tačka b), c), d), e), f), g) rasporeduje se za finansiranje/sufinansiranje troškova Ministarstva, a ostatak za naknade članovima komisija u skladu sa posebnim aktima iz člana 8. ovog Pravilnika.
- (2) Prihodi ostvareni po osnovu člana 5. tačka i), j), k) i l) rasporeduje se za pokriće materijalnih troškova Ministarstva.

Član 8.  
(Naknada članovima komisija)

- (1) Naknada članovima komisija iz člana 7. utvrđuje se:
- a) Odlukom o rokovima i cjenovniku za polaganje stručnih ispita iz člana 5., tačka a);
- b) Odlukom o rokovima i cjenovniku postupka osnivanja ustanova iz člana 5. tačka h);
- c) Pravilnikom o osposobljavanju za vozača motornih vozila;
- d) Pravilnikom o uslovima i visini naknade u vezi sa poslovima provođenja Pravilnika o sticanju zvanja vozača-instruktora motornih vozila;
- e) Pravilnikom o uslovima i visini naknade u vezi sa poslovima provođenja Pravilnika za dobijanje licence iz člana 5., tač. b), c), d), e), f) i g) ovog Pravilnika.

Član 9.  
(Finansiranje/sufinansiranje troškova Ministarstva)

- (1) Prihod ostvaren po osnovu člana 7. tačka a) rasporeduje se:
- a) za unapređenje organizacije i realizacije stručnih ispita;
- b) edukaciju uposlenika Ministarstva;
- c) edukaciju pripravnika i volontera;
- d) izdavanje i štampanje priručnika;
- e) nabavku i održavanje stalnih sredstava;
- f) izdatke za materijal i usluge.
- (2) Prihod ostvaren po osnovu člana tačka b) rasporeduje se za finansiranje/sufinansiranje:
- a) troškova obezbjedenja uslova za provođenje Zakona o bezbjednosti saobraćaja na putevima u Bosni i Hercegovini (zakup parking prostora, zakup prostorija i sl.);
- b) administrativnih troškova za provođenje Zakona o bezbjednosti saobraćaja na putevima u Bosni i Hercegovini (nabavka materijala, troškovi oglašavanja, javni pozivi i sl.);
- c) nabavku i održavanje stalnih sredstava radi osiguranja uslova za unapređenje organizacije i realizacije poslova u vezi sa provođenjem Zakona o bezbjednosti saobraćaja na putevima u Bosni i Hercegovini;
- d) troškova stručnog usavršavanja vozača - instruktora;
- e) edukaciju djece predškolskog uzrasta i učenika osnovnih i srednjih škola iz poznavanja propisa o sigurnosti u saobraćaju;
- f) preventivnih akcija u cilju poboljšanja opće sigurnosti u saobraćaju;
- g) finansiranje stručnih istraživanja i izdavanje publikacija u oblasti sigurnosti saobraćaj;
- (3) Prihod ostvaren po osnovu člana 7. stav (2) rasporeduje se za finansiranje/sufinansiranje:
- a) nabavke i održavanja stalnih sredstava;
- b) izdataka za materijal i usluge;
- c) stručnog usavršavanje uposlenika;
- d) realizacije naučnih projekata;
- e) izdavanja i nabavke naučne i stručne literature;
- f) ostalih troškova u vezi sa realizacijom propisa iz oblasti obrazovanja i nauke.

IV. ZAVRŠNE ODREDBE

Član 10.

(Stupanje na snagu)

Ovaj Pravilnik stupa na snagu danom donošenja i bit će objavljen u "Službenim novinama Kantona Sarajevo".

Broj 11-01-38-25922  
26. septembra 2011. godine  
Sarajevo

Ministar  
Emir Suljagić, s. r.



# SLUŽBENE NOVINE KANTONA SARAJEVO

Godina VIII - Broj 24

Četvrtak, 6. novembra 2003. godine  
SARAJEVO

Akontacija pretplate  
za II polugodište 2003:  
KM 60.-

ISSN 1512-7052

## KANTON SARAJEVO

### Skupština Kantona Sarajevo

#### Zakonodavno-pravna komisija

Na osnovu člana 20. Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 16/03) i člana 47. stav 4. alineja 3. Poslovnika Skupštine Kantona Sarajevo ("Službene novine Kantona Sarajevo", broj 6/00 - Prečišćen tekst i br. 14/00 i 11/01), Zakonodavno-pravna komisija Skupštine Kantona Sarajevo, na sjednici od 23.9.2003. godine, utvrdila je prečišćeni tekst Zakona o Vladi Kantona Sarajevo.

Prečišćeni tekst Zakona o Vladi Kantona Sarajevo obuhvata: Zakon o Vladi Kantona Sarajevo ("Službene novine Kantona Sarajevo", broj 7/96), Zakon o izmjeni Zakona o Vladi Kantona Sarajevo ("Službene novine Kantona Sarajevo", broj 10/96), Zakon o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 20/98), Zakon o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 4/01) i Zakon o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 16/03 i broj 18/03-ispravka), u kojima je označen dan stupanja na snagu tih zakona.

Broj 01-05-7360/03  
23. septembra 2003. godine  
Sarajevo

Zamjenik predsjednika  
Zakonodavno-pravne komisije  
Skupštine Kantona Sarajevo  
Esađ Hrvačić, s. r.

## ZAKON

### O VLADI KANTONA SARAJEVO (Prečišćen tekst)

#### I - OPĆE ODREDBE

##### Član 1.

Ovim zakonom uređuje se sastav i organizacija, kao i druga pitanja od značaja za rad Vlade Kantona Sarajevo (u daljem tekstu: Vlada Kantona).

Vlada Kantona je izvršna vlast Kantona Sarajevo (u daljem tekstu: Kanton), u skladu sa Ustavom.

##### Član 2.

Vlada Kantona vrši svoja prava i dužnosti na osnovu i u okviru Ustava i ovog zakona.

##### Član 3.

Sjedište Vlade Kantona je u Sarajevu.

##### Član 4.

Vlada Kantona donosi poslovnik o radu kojim se uređuje: organizacija i način rada, postupak i način zakazivanja sjednice; postupak razmatranja materijala; način ravnopravne upotrebe jezika i pisma konstitutivnih naroda u pripremi i izradi pisanih materijala; način izvršavanja zaključaka; prenošenje ovlaštenja i druga poslovnička pitanja.

##### Član 5.

Vlada Kantona raspolaže imovinom u vlasništvu Kantona u okviru ovlaštenja koja joj Skupština Kantona prenese posebnim propisom.

#### II - SASTAV I ORGANIZACIJA VLADE KANTONA

##### Član 6.

Vlada Kantona čine premijer Kantona (u daljem tekstu: premijer) i 12 ministara.

##### Član 7.

U slučaju privremene spriječenosti premijera, funkciju premijera vrši član Vlade kojeg odredi premijer.

U slučaju privremene spriječenosti premijera duže od 30 dana, funkciju premijera vrši član Vlade kojeg odredi predsjedavajući Skupštine Kantona, u konsultaciji sa zamjenicima predsjedavajućeg Skupštine Kantona.

U slučaju da mjesto premijera ostane upražnjeno, premijer se imenuje u roku od 30 dana od dana kada je mjesto premijera ostalo upražnjeno, na način utvrđen ustavom, do kada funkciju

premijera obavlja član Vlade Kantona kojeg odredi predsjedavači Skupštine Kantona, u konsuljaciji sa zamjenicima predsjedavajućeg Skupštine Kantona.

Član 9.

Ministri odgovaraju premijeru i Skupštini Kantona.

Premijer je odgovoran Skupštini Kantona.

Ministri snose krajnju odgovornost za rad svojih ministarstava.

Vlada Kantona podnosi ostavku ako joj u bilo koje vrijeme Skupština Kantona izglosa nepovjerenje.

Član 10.

Konstitutivni narodi i pripadnici ostalih biće proporcionalno zastupljeni u Vladi. Takva zastupljenost će odražavati popis stanovništva iz 1991. godine do potpune provedbe Aneksa VII Dejtonskog mirovnog sporazuma.

Član 11.

Premijer i ministri, nakon potvrđivanja od strane Skupštine Kantona, daju svečanu izjavu pred predsjedavajućim Skupštine Kantona.

Vlada Kantona preuzima dužnost nakon potvrđivanja od strane Skupštine Kantona.

Član 12.

Vlada Kantona imenuje i razrješava sekretara Vlade Kantona na prijedlog premijera.

Sekretar Vlade odgovara za svoj rad premijeru Vlade i Vladi.

III - NAČIN RADA I ODLUČIVANJA VLADE KANTONA

Član 13.

Radom Vlade Kantona rukovodi premijer koji predstavlja i zastupa Vladi Kantona, saziva sjednice Vlade Kantona, predlaže dnevni red i predsjedava sjednicama.

Član 14.

Vlada Kantona radi i odlučuje u sjednicama.

Vlada Kantona može odlučivati ako sjednici prisustvuje više od polovine članova Vlade Kantona, a sve odluke Vlade Kantona donose se prostom većinom članova Vlade Kantona koji glasaju.

U slučaju većih elementarnih nepogoda, nesreća ili drugih neposrednih društvenih opasnosti, Vlada donosi odluke prostom većinom glasova prisutnih članova Vlade koji glasaju.

IV - RADNA TIJELA VLADE KANTONA

Član 15.

Za razmatranje pitanja iz nadležnosti Vlade Kantona, davanje prijedloga i mišljenja o tim pitanjima, vršenje određenih poslova i zadatka u vezi sa provođenjem zaključaka Vlade Kantona, kao i za vršenje drugih poslova, Vlada Kantona može obrazovati stalna i povremena radna tijela (savjeti, uredi, komite, odbore, komisije i dr.).

Sastav i nadležnost radnih tijela iz stava 1. ovog člana uredit će se Poslovnikom Vlade Kantona ili aktom o obrazovanju radnog tijela.

Član 16.

Za donošenje rješenja u upravnom postupku i odlučivanje o drugim pojedinim pitanjima iz njene nadležnosti Vlada Kantona može obrazovati jednu ili više komisija čije članove imenuje iz reda članova Vlade.

V - NADLEŽNOST I ODGOVORNOST PREMIJERA I ČLANOVA VLADE KANTONA

Član 17.

Premijer rukovodi radom Vlade Kantona; odgovoran je za njen rad, osigurava jedinstvo u izvršavanju poslova iz nadležnosti Vlade Kantona, ostvaruje saradnju sa drugim organima i usmjerava djelovanje Vlade Kantona kao cjeline i članova Vlade Kantona pojedinačno, te vrši i druge poslove utvrđene ustavom.

Premijer potpisuje akte Vlade Kantona.

Član 18.

Članovi Vlade Kantona mogu pokrenuti inicijative za donošenje zakona i drugih propisa iz nadležnosti Vlade Kantona, predlagati razmatranje i pretresanje pojedinih pitanja iz nadležnosti Vlade Kantona, predlagati utvrđivanje stavova Vlade Kantona i imaju druga prava i dužnosti utvrđena ustavom i zakonom.

Član 19.

Članovi Vlade Kantona su odgovorni i za zastupanje i provođenje zaključaka Vlade Kantona u poslovima koje im Vlada Kantona povjeri, kao i za blagovremeno pokretanje inicijative za rješavanje pitanja u okviru zadataka koje im je povjerila Vlada Kantona ili premijer.

Član 20.

Članovi Vlade Kantona određeni da učestvuju u radu drugog organa i tijela dužni su postupati u skladu sa ovlaštenjima, smjernicama i stavovima Vlade Kantona.

Članovi Vlade Kantona su dužni svoju aktivnost ostvarivati tako da, pored poslova za koje su lično zaduženi, prate i pitanja iz djelokruga Vlade Kantona za koja nisu lično zaduženi i da svojim prijedlozima i mišljenjima doprinose odgovornom, zakonitom i efikasnom radu Vlade Kantona.

VI - SEKRETAR VLADE KANTONA

Član 21.

Sekretar Vlade Kantona prema uputstvima premijera i Vlade u skladu sa Poslovnikom, stara se o pripremanju sjednice Vlade i dostavljanju materijala potrebnih za rad Vlade i njenih radnih tijela, pomaže premijeru u vršenju njegovih prava i dužnosti u vezi sa organizacijom i pripremanjem sjednica Vlade i izvršavanju zaključaka Vlade, obezbjeduje radnim tijelima Vlade pomoći i saradnju stručnih i drugih službi i vrši i druge poslove u vezi s radom Vlade koje mu povjeri premijer.

Sekretar Vlade je naredbodavac za izvršenje finansijskog plana Vlade.

VII - AKTA VLADE KANTONA

Član 22.

Vlada Kantona u osištanju svojih nadležnosti utvrđenih ustavom donosi uredbe, odluke, rješenja i zaključke.

Član 23.

Izuzevno za vrijeme trajanja ratnog stanja ili neposredne ratne opasnosti kada postoji objektivna nemogućnost da se sazove Skupština Kantona, Vlada može donositi i propise iz nadležnosti Skupštine Kantona.

Propisima iz stava 1. ovog člana ne mogu se staviti van snage prava i slobode utvrđene ustavom i drugim propisima.

Propise iz stava 1. ovog člana Vlada će dostaviti Skupštini no potvrdu čim ona bude u mogućnosti da se sastane.

Član 24.

Uredbom se uređuju najvažnija pitanja iz nadležnosti Vlade Kantona, bliže uređuju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave Kantona.

Odlukom se uređuju pojedina pitanja ili propisuju mјere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima, kao i o drugim pojedinačnim pitanjima iz nadležnosti Vlade Kantona.

Zaklučkom se utvrđuju stavovi o pitanjima od značaja za provođenje utvrđene politike, uređuju unutrašnji odnosi u Vladi Kantona i određuju zadaci organima uprave i službama, kao i radnim tijelima Vlade Kantona. Zaklučkom se odlučuje i u drugim slučajevima u kojima se ne donose druga akta.

Član 25.

Uredbe i odluke Vlade Kantona objavljaju se u "Službenim novinama Kantona Sarajevo", a ostali akti Vlade ako je to u njima navedeno.

VIII - JAVNOST RADA VLADE KANTONA

Član 26.

Javnost rada Vlade Kantona obezbeđuje se u skladu sa zakonom kojim se reguliše sloboda pristupa informacijama u Federaciji Bosne i Hercegovine.

IX - STRUČNE I DRUGE SLUŽBE KANTONA

Član 27.

Za obavljanje stručnih i drugih poslova za potrebe Skupštine Kantona, Vlade Kantona i organe uprave, Vlada Kantona može osnovati određene stručne, tehničke i druge službe, kao zajedničke ili samostalne službe, u skladu sa zakonom. Aktoom o obrazovanju službe iz prethodnog stava, utvrđuje se njen djelokrug, kao i status i odgovornosti te službe i lica koje njen rukovodi.

Član 28.

Vlada Kantona vrši nadzor nad radom stručnih službi koje obrazuju.

Sekretar Vlade Kantona rukovodi radom Stručne službe koja obavlja poslove za potrebe Vlade Kantona i odgovoran je za njen rad.

X - PRELAZNE I ZAVRŠNE ODREDBE

Član 29.

Vlada Kantona je dužna donijeti Poslovnik o svom radu u roku od 30 dana od svog konstituisanja.

Član 30.

Poslovnik Izvršnog odbora Grada Sarajeva i drugi propisi koji se odnose na njegovo unutrašnje organizovanje i funkcionisanje, koji su na snazi na dan stupanja na snagu Zakona o Vladi Kantona Sarajevo ("Službene novine Kantona Sarajevo", broj 7/96), ukoliko nisu u suprotnosti sa Ustavom Kantona i ovim zakonom, primjenjujuće se kao propisi Vlade, dok se ne doneše Poslovnik o radu Vlade Kantona.

Član 31.

Do imenovanja premijera i članova Vlade u skladu sa zakonom o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 4/01),

poslove iz nadležnosti Vlade vršit će Vlada u dosadašnjem sastavu.

Vlada Kantona Sarajevo

Na osnovu čl. 24. i 26. stav 2. Zakona o Vladi Kantona Sarajevo ("Službene novine Kantona Sarajevo", br. 7/96, 10/96, 20/98, 4/01, 16/03 i 18/03) i člana 6. Odluke Skupštine Kantona Sarajevo o uslovima i načinu rješavanja stambenih potreba mladih ("Službene novine Kantona Sarajevo", broj 19/03), Vlada Kantona Sarajevo, na 40. sjednici održanoj 6. novembra 2003. godine, donijela je

ODLUKU  
O USLOVIMA I KRITERIJIMA ZA ODOBRAVANJE  
KREDITA RADI RJEŠAVANJA STAMBENIH  
POTREBA MLADIH

I - OPĆE ODREDBE

Član 1.

Ovom odlukom propisuju se opći uslovi, kriteriji za formiranje rang liste i postupak za odobravanje kredita radi rješavanja stambenih potreba mladih u skladu sa Odlukom Skupštine Kantona Sarajevo o uslovima i načinu rješavanja stambenih potreba mladih.

Član 2.

Pod kreditiranjem se podrazumjeva odobravanje novčanih kredita mladim kadrovima na osnovu rang liste.

Rang listu utvrđuje Vlada Kantona Sarajevo prema kriterijima koji su sastavni dio ove odluke, iz prijave primljenih po osnovu javnog poziva, a na prijedlog Komisije koju imenuje Vlada Kantona.

Na osnovu rang liste u skladu sa raspoloživim sredstvima Vlada Kantona Sarajevo utvrđuje i listu kandidata kojima je odobren kredit.

U rang listic neće se uvrstiti osobe koje ne ispunjavaju uslove za rješavanje stambenih potreba u skladu sa čl. 2. i 3. Odluke Skupštine Kantona Sarajevo o uslovima i načinu rješavanja stambenih potreba mladih ("Službene novine Kantona Sarajevo", broj 19/03).

Komisija Vlade Kantona će obavijestiti osobu iz stava 4. ovog člana o razlozima zbog kojih nije uvršten u rang listu.

II - OPĆI USLOVI ZA PODNOŠIOCA ZAHTEVA

Član 3.

Opći uslovi koje kandidat za dodjelu kredita treba ispuniti, odnosno dokazati odgovarajućom dokumentacijom su kako slijedi:

1. Zaposleno lice, državljanin BiH, sa prebivalištem odnosno stalnim boravištem na području Kantona Sarajevo.  
(Dokaz: a) Potvrda Federalnog zavoda za penzionalno-invalidskog osiguranja o zaposlenju, b) uvjerenje o državljanstvu i c) potvrda o stalnom mjestu boravka, izdatis od strane nadležnih organa, koji nisu stariji od 6 mjeseci);

2. Stambene prilike  
(Dokaz: a) potvrde izdale od nadležnih organa (zemljopisno-knjižnog ureda i sl.) da podnositelj zahjeva i članovi njegovog porodičnog domaćinstva (osim ako žive kod roditelja) nisu vlasnici stana ili porodične kuće na području BiH;

b) potvrde izdale od nadležnih organa ("Sarajevostana" d.d i sl.) da podnositelj zahjeva i članovi njegovog porodičnog

(1) Nakon što stručna komisija iz člana 25. ovog Zakona utvrdi da su ispunjeni uvjeti za početak rada i dalji rad, novoosnovana visokoškolska ustanova, na osnovu rješenja Ministarstva o ispunjavanju svih uvjeta za početak rada i dalji rad, upisuje se u Registar.

(2) Ako se utvrdi da visokoškolska ustanova u osnivanju ne ispunjava uvjete navedene u zakonu, Standardima i normativima te provedbenim aktima, Ministarstvo će rješenjem odrediti primjerен rok za otklanjanje utvrđenih nedostataka i o tome obavijestiti osnivača.

(3) Smatra se da je osnivač odustao od zahtjeva ukoliko u roku od 30 dana od dana dostavljanja rješenja iz stava (2) ovog člana ne otkloni utvrđene nedostatke.

(4) Komisija iz člana 25. ovog Zakona će u roku kraćem od 15 dana razmotriti dostavljene dokaze o otklanjanju utvrđenih nedostataka i utvrditi da li su ispunjeni uvjeti za početak rada i dalji rad visokoškolske ustanove u osnivanju i o tome obavijestiti Ministarstvo, koje će na osnovu dostavljenog izvještaja donijeti rješenje u skladu sa zakonom.

(5) Protiv rješenja Ministarstva iz st. (1), (2) i (4) ovog člana nije dozvoljena žalba, ali se može pokrenuti upravni spor pred nadležnim sudom u Sarajevu u roku od 30 dana od dana prijema rješenja.

(6) Visokoškolska ustanova može izvršiti upis studenata i početi sa radom nakon upisa u Registar i Sudski registar.

(7) Pored Registra iz stava (1) ovog člana, Ministarstvo vodi evidenciju odnosno registre:

a) studijskih programa;

b) studija van sjedišta visokoškolske ustanove;

c) akademskog osoblja i ostalih zaposlenika u oblasti visokog obrazovanja;

d) lica kojima je izrečena mjera suspenzije, odnosno otkaza ugovora o radu na visokoškolskim ustanovama na području Kantona u skladu sa članom 121. ovog Zakona;

e) lica protiv kojih je pokrenut i okončan prekršajni postupak.

(8) Propis kojim se preciznije uređuje postupak utvrđivanja ispunjenosti uvjeta, postupak upisa, sadržaj i način vodenja registara iz st. (1) i (7) ovog člana, donosi Ministarstvo.

### Član 27.

(Osnivanje novih organizacionih i podorganizacionih jedinica)

Osnivanje novog fakulteta, akademije, instituta, odsjeka i instituta kao podorganizacione jedinice na visokoškolskoj ustanovi koja je upisana u registre kao i promjena njihovih naziva, obavlja se na način i po postupku predviđenom za osnivanje visokoškolskih ustanova, a na osnovu zahtjeva i elaborata prihvaćenog od strane senata visokoškolske ustanove.

### Član 28.

(Provjera ispunjavanja uvjeta rada visokoškolske ustanove upisane u Registar)

(1) Nakon proteka roka od godinu dana od donošenja rješenja kojim se dozvoljava početak rada visokoškolskoj ustanovi, organizacionoj jedinici ili podorganizacionoj jedinici visokoškolske ustanove.

ZAKON O VISOKOM OBRAZOVANJU

- (3) Ministarstvo će, nakon analize izvještaja iz stava (2) ovog člana, i pod uvjetom da su nedostaci otklonjeni, u roku od 15 dana donijeti rješenje o akreditaciji visokoškolske ustanove, odnosno studijskog programa.
- (4) Ukoliko se nakon isteka roka iz tačke b) stava (1) ovog člana, utvrđeni nedostaci ne otkloni, ministar je obavezan, u roku od 15 dana, donijeti rješenje kojim se oduzima akreditacija visokoškolskoj ustanovi, odnosno studijskom programu.
- (5) Akreditacija po zahtjevu iz člana 32. stav (1) dodjeljuje se, najduže, na vremenski period od pet godina, nakon čega se obavezno provodi ponovni postupak akreditiranja.
- (6) Protiv rješenja iz ovog člana nije dozvoljena žalba, ali se može pokrenuti upravni spor pred nadležnim sudom u Sarajevu u roku od 30 dana od dana prijema rješenja.
- (7) Ista visokoškolska ustanova ili isti osnivač može podnijeti ponovni zahtjev iz člana 31. stav (1) nakon isteka roka od najmanje dvanaest mjeseci od donošenja pravosnažnog rješenja, ukoliko je rješenje bilo negativno.
- (8) Ministarstvo će Agenciji dostaviti rješenje o akreditaciji radi upisa akreditiranih visokoškolskih ustanova u državni registar akreditiranih visokoškolskih ustanova.
- (9) Ministarstvo će osigurati stalnu dostupnost na svojoj web-stranici liste akreditiranih visokoškolskih ustanova na području
- (10) Pravilnik o postupku akreditacije donosi ministar.

**Član 34.**  
(Oduzimanje licence i akreditacije)

- (1) Ako se, na temelju nadzora u skladu sa ovim Zakonom, utvrdi da je visokoškolska ustanova prestala ispunjavati uvjete iz licence i akreditacije, a uočeni propusti se ne mogu otkloniti bez ozbiljnih posljedica po kvalitetu studija, Ministarstvo će, uz prethodno pribavljeno očitovanje Agencije, rješenjem oduzeti licencu i akreditaciju.
- (2) Ako se uočeni nedostaci mogu otkloniti, Ministarstvo će utvrditi rok, ne duži od dva mjeseca, u kojem visokoškolska ustanova mora otkloniti utvrđene nedostatke.
- (3) U slučaju poništenja rješenja o akreditaciji, Ministarstvo dostavlja zahtjev Agenciji za ispis date visokoškolske ustanove iz državnog registra akreditiranih visokoškolskih ustanova.
- (4) Protiv rješenja Ministarstva iz stava (1) ovog člana nije dozvoljena žalba, ali se može pokrenuti upravni spor pred nadležnim sudom u Sarajevu u roku od 30 dana od dana prijema rješenja.

**DIO ČETVRTI - STATUSNE PROMJENE I STATUT VISOKOŠKOLSKE USTANOVE**

**Član 35.**  
(Statusne promjene i prestanak rada visokoškolske ustanove)

- (1) Statusne promjene i prestanak rada visokoškolske ustanove vrše se u skladu sa zakonom.
- (2) Visokoškolska ustanova može, u skladu sa zakonom, proširiti djelatnosti, promijeniti naziv i jedište, kao i vršiti statusne promjene: spajanje, podjelu i izdvajanje.

ZAKON O VISOKOM OBRAZOVANJU

(3) Statusne promjene se obavljaju na način i po postupku predviđenom za osnivanje visokoškolske ustanove, a na osnovu zahtjeva i elaborata na koji je saglasnost dao senat visokoškolske ustanove.

(4) Elaborat iz stava (3) ovog člana, koji sadrži elemente propisane u članu 20. ovog Zakona, visokoškolska ustanova podnosi osnivaču.

(5) Visokoškolska ustanova prestaje sa radom:

- a) ako prestanu da postoje uvjeti za obavljanje djelatnosti visokoškolske ustanove;
- b) ako je visokoškolskoj ustanovi izrečena mjera zabrane obavljanja djelatnosti zbog toga što ne ispunjava uvjete u skladu sa zakonom, a u roku određenom u izrečenoj mjeri nije otklonila te nedostatke;
- c) ako se pravosnažnom odlukom suda utvrdi ništavnost upisa u Sudski registar;
- d) ako se prestane baviti djelatnošću visokog obrazovanja kao osnovnom djelatnošću, odnosno iako se organizira u privredno društvo;
- e) ako više ne postoji potreba za obavljanjem djelatnosti visokoškolske ustanove;
- f) u drugim slučajevima određenim zakonom ili aktom o osnivanju visokoškolske ustanove.

(6) Odluku o prestanku rada visokoškolske ustanove donosi osnivač o čemu je obavezan obavijestiti Ministarstvo u roku od 15 dana od dana donošenja odluke.

(7) Visokoškolska ustanova koja prestaje sa radom obavezna je obezbijediti finansijska sredstva za završetak studija kod druge odgovarajuće akreditirane i licencirane visokoškolske ustanove za sve svoje studente upisane prije donošenja odluke o prestanku rada.

(8) U slučaju prestanka rada visokoškolske ustanove odgovornost osnivača je da osigura trajno čuvanje javnih isprava, arhiva i druge dokumentacije u skladu sa zakonom.

Član 36.  
(Statut visokoškolske ustanove)

(1) Statut je osnovni akt visokoškolske ustanove kojim se uređuje organizacija, način rada, upravljanje, rukovodenje i druga pitanja od značaja za obavljanje djelatnosti visokoškolske ustanove.

(2) Statut donosi senat uz prethodno mišljenje upravnog odbora visokoškolske ustanove.

(3) Statut visokoškolske ustanove obvezno sadrži odredbe kojima se regulišu sljedeća pitanja

- a) organizacija visokoškolske ustanove;
- b) zastupanje i predstavljanje visokoškolske ustanove;
- c) pravila za izbor članova upravnog odbora koje imenuje senat;
- d) organizacija nastavnog, naučnonastavnog, umjetničkog, umjetničkonastavnog i naučnoistraživačkog rada, kao i način organiziranja i realiziranja studijskih programa;
- e) pravila studiranja i prava studenata;

ZAKON O VISOKOM OBRAZOVANJU